

潮州府志

潮州府志

潮州府志

潮州府志序

周禮大司徒掌邦教先以天下土地之圖周知九州之地域廣狹之數辨其山林川澤邱陵墳衍原隰之名物而其所重尤在以土會之法辨五地之物生然

序

張

一
珠蘭書屋

後施以十有二教焉是可
知良守牧勤求治理記載
之書允宜博蒐掌故為之
講求而釐訂也我
國家文治光華燭耀海隅今
大憲上承

聖天子愛養斯民德意漸摩而

涵育之海寓清寧太平有
象前余觀察雷瓊習見珠
崖僖耳之區林林總總罔
不蒸然向化一道同風矧
潮在環海以內素稱南邦
樂土哉壬午歲余欽奉調
任惠潮嘉之

序

張

二

珠蘭書屋

命分

駐鳳城下車伊始先為諮
詢民風究圖政本而太守
容齋周君新輯郡乘適已
告成余繙閱之餘見其仰
稽天道俯察坤輿中系人
情物理斟酌損益有條不
紊一郡九邑之風土民物

洞悉如在目前溯潮舊志
修輯者六數矣自雍正辛
亥距今已三十餘稔其間
轉移沿革時異勢殊人物
英賢接踵輩出苟不及今
芟蕪補缺擴實行訂詁曷以
臻明備垂典則以風示來

序

張

三

珠蘭書屋

茲耶夫前事不忘後事之
師也車造於室可以達險
易鑑鑄于冶可以定妍媸
潮郡負山面海壤接八閩
自昌黎興教以來嶺東山
川久已爛然有光氣士習
民風駸々日上無愧海濱

邠魯矣唯奢靡應早防其
漸囂訟務必絕其端於微
文攷猷中寓潛移默化之
意余既深喜周君先得我
心更願隸茲疆者家藏一
冊人執一編藉以鏡得失
興勸懲一郡九邑民情益

序

張

四

珠蘭書屋

加鼓舞如水之就下盡喁
喁然返淳而向道也則是
志之有功於潮豈淺鮮哉
是為序昔

乾隆貳拾柒年歲次壬午季
冬月穀旦
觀察使者山右浮山潔堂

張介祺撰



序

張

五

珠蘭書屋

潮州府志序

國有史郡有乘史備一朝之
掌故乘紀一郡之事寔二千
石表帥一方為諸吏長民生
物命係焉苟不悉其山川風
俗典夫建置沿革之故政治
得失之原雖欲勵精固治因

序

胡

一

地制宜惡可得哉癸未秋九月
余奉

命旬宣東粵下車之始報思審要

道急先務正百度以奏治功
恒惴惴然恐力有不逮顧念
或因或創事無鉅細非徵猷
考文曷以昭信爰採取各郡

縣志乘以備採覽適潮州原
任太守周君以所脩潮郡志
見示且乞余言弁簡端夫潮
于粵方隅耳然負山阻海連
閩澳達江右屹然為嶺南一
都會維秦漢以前不通上國
自昌黎過化禮樂改教彬彬

序

胡

二

乎盛矣矧際我
朝重熙累洽休養生息百有餘
年含甘實饒醲粹者莫不涵
濡於

休明之治其聲名文物不有超
越前葉奚啻萬一者哉太守
治潮日久其于土風民物詳

且熟矣又能博綜成憲損益
折衷故其為志於天則分野
象緯之詳於地則陵谷潮汐
之變於人則戶口賦役蠶子
輦人兵農禮樂學校文章之
庶富且教莫不有倫有要犁
然具舉而於震鎮沿革之故

序

胡

三

尤殷三政焉蓋誠能監
憲典而識體要者且溯志脩
於雍正癸卯歷今四十年其
間封域畝置丁戶增益人材
蔚起以及忠孝節廉之輩出
典禮制度之脩明凡月異而
歲不同者胥賴以傳不朽太

守於志願功偉矣今以被議
鑄級將入都待銓去之日聞
潮民攀轅而送者我道其平
日之不苟於爲治亦可概見
惜乎以太守之賢不及贊余
治理也然幸遇

聖天子知人善任當必有以展其

序

胡

四

用者而是志也爲成憲于十
世百世之後之官斯土者
得詳審監觀興利剔弊俾風
俗益淳民德益厚以仰副
盛朝一道同風之治余更有厚
望焉
乾隆癸未孟冬廣東布政使

東牟胡文伯序



序

胡

五

潮州府志序

余奉

命視學涉歷楚粵凡為志序者
二楚沅州粵肇慶肇慶無
論矣最善沅志之考据至
水特為精核以為有功水經
注其時太守塘君珠賢而

序

鄭

一

珠蘭書屋

不苟於治故有舉必善志
其一端也今潮州刺史周君
楚人也守潮六年大治凡
潮之山川風土人材物產以
及刑名錢穀之事積數歲
中所得諸親歷者彙而成
志其詳贍精確固不亞於

沅之志巫水而尤歎其高識
遠見有非經生俗吏之所
知者則獨在載虔鎮沿革
表一通昔者諸葛武侯未
出草廬隆中一對視天下
如運諸掌其後卒無以相
易蓋熟於地利故也夫地

序

鄭

二

珠蘭書屋

利何在、形勢形勢何在、
險隘險隘者人所憑以為
控制之具也不知形勢則不
知險隘不知險隘即不知
控制及一旦猝然臨之以事
而後商控制不得而審險
隘審險隘不得而規形勢

倉皇顛倒鮮有不敗者矣
嗟乎經生多而經濟少俗吏
盛而政事廢庸之泄於天
地休明之日方且謂天下一
家其險可夷其隘可闢即
有陳烽故壘近在郊圻指
為不祥剗削必盡誰復於

序

鄭

三 珠蘭書屋

承平無事時籌及於屯兵
扼塞轉輸應援之臂指相
使呼吸相通者書曰有備
易曰設險斯即君志虔鎮
之意也豈徒然哉往者君守
廉教民紡績自君去而民之
紡績亦廢余過廉讀郡志

慨然於政之廢興存乎人不
存乎志然則虔鎮之志毋
亦徒令後之讀者笑為迂濶
而不切於事與雖然君固不
為笑者計也志所當志玄
所不當志君之修志如是
而已他何問焉

序

鄭

四 珠蘭書屋

乾隆壬午孟冬督學使者
秀水鄭虎文序



潮州府志自序

志書與國史相表裏體裁大小不一而義例則同
志盛於唐賈耽十道述李吉甫元和郡國志獨見
稱說然有唐三百年昌黎首推制作才當公刺潮
也僅僅置鄉校牒祭太湖鯉魚文郡事略著於篇
其他不少概見論者謂泣潮八月日有不給夫以
公耳目之神迅學識之敏瞻閎中肆外以成一方
紀載直不須時耳抑謂公辭不作史志猶史也觀
其荅崔立之所云求遺事攷賢哲著書垂諸無窮

序

自

一 珠蘭書屋

則徵文考獻又非無意要之潮在元和間川原封
於瘴癘人民宅乎蛟窟投荒嶺表者概以淪落自
傷治譜未修鐫題絕少据今衡昔不過得什一於
千百使珥筆託空言無寧從闕典已也故自唐迄
宋元郡志俱無可攷至勝國風氣漸開宏治嘉靖
間車司馬份郭太守春震稍為編緝兵燹之後蕩
然無存我

朝順治庚子草創於吳太守穎康熙二十二年癸亥
檄直省郡縣志送史局纂一統全書於時林太守

杭學始修之迨雍正癸卯胡太守恂重修百餘年
間志凡三輯亦云備矣慨夫志之難也守令刑名
錢穀日促促無餘閒視志乘廢興無關緩急即或
有意修舉而摘辭辯體之茫然發凡起例之無據
勢不得不遠延名宿然非生長其地人與事不相
習又不得不求之本籍能文章熟掌故者而草茅
不省案牘吏治無由得知甚以宗戚交遊遷延嫌
怨黜陟是非難秉直筆或因仍簡陋流傳四方指
為口實志之濫也毛西河謂天下不可信者三志

序

自

二

珠蘭書屋

書其一良有以夫余昔守廉州丙子夏修廉志甫
畢奉

命移潮州竊念潮為嶺東鉅鎮韓江鱣徙遠勝乎合浦

珠還青徑紅螺較著於分茅銅柱在昔名賢手訂
成書必蔚然可觀非若余曩時僻處天涯暝寫晨
搜寡見渺聞者比數年來三志常置案頭公餘繙
閱近如胡志無論已即吳林二志煩簡未協考訂
未詳惟二公值軍書旁午猶能旁摭遠紹補見聞
於外史垂故實於